



# basic education

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**XITSONGA: RIRIMI RO ENGETELA RO SUNGULA (FAL)**

**PAPILA RA VUNHARHU (P3)**

**2021**

**XILETELO XA MAKOREKETELO**

**TIMARAKA: 100**

**Xiletelo xa makoreketelo lexi xi na tipheji ta 13.**

**RHUBIRIKI: XITSALWANA [50 WA TIMARAKA]****XIYA:**

- Tirhisa rhubiriki minkarhi hinkwayo loko u koreketa xitsalwana xa vutumbuluxi (Papila ra vu3, XIYENGE XA A).
- Timaraka to sukela eka 0 kufikela eka 50 ti avanyisiwile hi tinhlamuselo ta 5 ta vuswikoti.
- Eka swilaveko swa Vundzeni, Ririmi na Xitayili, nhlamuselo yin'wana na yin'wana ya vuswikoti eka leta ntlhanu yi avanyisiwile hi swiyimo swimbirhi: xa le henhla na xa le hansi xikan'we na maavelo lawa ya tirhisiwaka ya timaraka.
- Xivumbeko a xi khumbeki hi ku aviwa ka xiyimo xa le henhla na xa le hansi.

**RHUBIRIKI YA MAAVELO YA TIMARAKA EKA MAKOREKETELO YA XITSALWANA EKA RIRIMI RO ENGETELA RO SUNGULA [TIMARAKA TA 50]**

Swyenge		Vuswikoti byo hlawuleka	Vuswikoti bya le henhla	Vuswikoti byo amukeleka	Vuswikoti bya madyondza	Vuswikoti byo ka byi nga fikelelangi
<b>VUNDZENI &amp; MAKUNGUHATELO</b>  (Mahlamulelo na miehleketo) Maveketelelo ya miehleketo eka makunguhateло Ndzemuko wa xikongomelo, vaamukeri va mahungu na mbangu	<b>Xiyimo xa le henhla</b>	<b>28–30</b>	<b>22–24</b>	<b>16–18</b>	<b>10–12</b>	<b>4–6</b>
TIMARAKA TA 30		<p>-Mahlamulelo yo hlawuleka/ lama tlhontlhaka miehleketo na ku hundzisa eka leswi languteriweke</p> <p>-Miehleketo ya vutlhari, leyi tlhontlhaka miehleketo naswona leyi vupfeke</p> <p>-Mahungu ya veketeriwe hi ndlela yo hlawuleka naswona ku na nkhulukelano (nhlangano) eka manghenelo, miri na masongelo/mahetelelo</p>	<p>-Mahlamulelo lama vumbiweke kahle swinene</p> <p>-Miehleketo leyi faneleke no tsakisa naswona yi kombisa vumbhoni byo va yi vupfile</p> <p>-Mahungu ya veketeriwe kahle swinene naswona ku na nkhulukelano (nhlangano) eka manghenelo, miri na masongelo/mahetelelo</p>	<p>-Mahlamulelo lama amukelekaka</p> <p>-Miehleketo leyi nga na nkhulukelano na ku khorwisa</p> <p>-Mahungu ya veketeriwe kahle naswona ku na nkhulukelano (nhlangano) eka manghenelo, miri na masongelo/mahetelelo</p>	<p>-Mahlamulelo ma na nkhulukelano kun'wana</p> <p>-Miehleketo a yi twisiseki naswona a yi kombisi vutumbuluxeri</p> <p>-Ku na vumbhoni byitsongo bya maveketelelo na nkhulukelano wa mahungu</p>	<p>-Mahlamulelo yo huhulula</p> <p>-Miehleketo yo hlanganahlangana yo ka yi nga kongomisi mhaka</p> <p>-Mahungu yo huhulula no vuyeleriwa</p> <p>-Mahungu a ya veketeriwangi kahle naswona ya hava nkhulukelano</p>
	<b>Xiyimo xa le hansi</b>	<b>25–27</b>	<b>19–21</b>	<b>13–15</b>	<b>7–9</b>	<b>0–3</b>
		<p>-Mahlamulelo ya xiyimo xa le henhla kambe lama nga riki na swihlawulekiso swa xitsalwana xo hlawuleka no tlhontlhaka miehleketo</p> <p>-Miehleketo ya vutlhari no vupfa</p> <p>-Mahungu ya veketeriwe hi ndlela ya vutshila naswona ku na nkhulukelano (nhlangano) eka manghenelo, miri na masongelo/mahetelelo</p>	<p>-Mahlamulelo lama vumbiweke kahle</p> <p>-Miehleketo leyi faneleke no tsakisa</p> <p>-Mahungu ya veketeriwe kahle naswona ku na nkhulukelano (nhlangano) eka manghenelo, miri na masongelo/mahetelelo</p>	<p>-Mahlamulelo lama amukelekaka kambe hungu a ri hlamsuerwangi ri twisiseka swinene</p> <p>-Miehleketo yi na nkhulukelano lowu eneleke na ku khorwisa</p> <p>-Mahungu ya veketeriwe kahlenyana naswona ku na nkhulukelanonyana (nhlanganonyana) eka manghenelo, miri na masongelo/mahetelelo</p>	<p>-Mahlamulelo hakanyingi a hi lama faneleke</p> <p>-Miehleketo yi tala ku va leyi nga hlanganangiki na ku hlanganahlangana</p> <p>-Ku hava vumbhoni lebyi kombisaka maveketelelo lamanene na nkhulukelano wa mahungu</p>	<p>-A nga kalangi a ringeta ku angula ku ya hi nhlokomhaka</p> <p>-Miehleketo hi leyi yi nga fanelangiki naswona a yi fambelani nakatsongo na nhlokomhaka</p> <p>-A yi na nkongomo naswona yi pfuvapfuvekile</p>

**RHUBIRIKI YA MAAVELO YA TIMARAKA EKA MAKOREKETELO YA XITSALWANA EKA RIRIMI RO ENGETELA RO SUNGULA  
[TIMARAKA TA 50] (ku yisa emahlweni)**

Swiyenge	Vuswikoti byo hlawuleka	Vuswikoti bya le henhla	Vuswikoti byo amukeleka	Vuswikoti bya madyondza	Vuswikoti byo ka byi nga fikelelangi
<b>RIRIMI, XITAYILI &amp; VUHLERI</b>  Thoni, rhejisitara, xitayili na ntivomarito swa fambelana na xikongomelo, nkucetelo, vundzeni na mahlawulelo ya marito Matirhiselo ya ririmi na swiaki na milawu ya rona, mahikahatelo, ntivoririmi na mapeletelo	<b>14–15</b>  -Thoni, rhejisitara, xitayili na ntivomarito swa fambelana swinene na xikongomelo, vaamukeri va mahungu na mbangu -Vutitshembi eka ku tirhisa ririmi naswona hi ndlela yo hlawuleka no tsakisa -Xi koka rinoko naswona xi na thoni leyinene no tlhavula -Swihoxo swa ntivoririmi na mapeletelo a swi tali ku va kona. -Xi vumbiwile hi ndlela ya vutshila swinene	<b>11–12</b>  -Thoni, rhejisitara, xitayili na ntivomarito swa fambelana na xikongomelo, vaamukeri va mahungu na mbangu -Ririmi hi leri faneleke naswona thoni ley i tirhisiweke hi ley i faneleke minkarhi hinkwayo -Swihoxo swa ntivoririmi na mapeletelo a swi talangi. -Xi vumbiwile hi ndlela ya vutshila	<b>8–9</b>  -Thoni, rhejisitara, xitayili na ntivomarito swa fambelana na xikongomelo, vaamukeri va mahungu na mbangu -Ririmi ri tirhisiwile hi mfanelo ku hlamusela mahungu -Thoni hi ley i faneleke -Ku tirhisiwile ririmi ro tlhavula ku tiyisisa vundzeni bya hungu	<b>5–6</b>  -Thoni, rhejisitara, xitayili na ntivomarito swa fambelana na xikongomelo, vaamukeri va mahungu na mbangu -Matirhiselo ya ririmi i ya xiyimo xa madyondza swinene -Thoni na dikixini hi leswi swi nga faneriki -Ntivoririmi i wa mpimo wa le hansi	<b>0–3</b>  -Thoni, rhejisitara, xitayili na ntivomarito a swi fambelani na xikongomelo, vaamukeri va mahungu na mbangu -Ririmi a ri twisiseki -Ntivoririmi wa mpimo wa le hansi swinene wu endla leswaku mahungu ya nga twisiseki
	<b>Xiyimo xa le henhla</b>  <b>13</b>  -Ririmi i ra xiyimo xa le henhla naswona ri na thoni ley i faneleke no tlhavula -Swihoxo swa ntivoririmi na mapeletelo a swi kona -Xi vumbiwile hi ndlela yo hlawuleka	<b>10</b>  -Ririmi ri koka miehleketo naswona hakanyingi ra vuyerisa -Thoni hi ley i faneleke na ku vuyerisa -Swihoxo swa ntivoririmi na mapeletelo i switsongo -Xi vumbiwile hi ndlela ya vutshila	<b>7</b>  -Matirhiselo lama faneleke ya ririmi eka minkarhi yin'wana -Hakanyingi thoni hi ley i faneleke kambe ku tirhisiwa ka ririmi ro tlhavula i ka mpimo wa le hansi	<b>4</b>  -A ku tirhisiwangi ririmi leri ringaneleke. -Ku tirhisiwile swivulwa leswi nga hambaniki switsongo leswi hambaneke -Ntivoririmi i wa mpimo wa le hansi swinene	
<b>TIMARAKA TA 15</b>	<b>Xiyimoxa le hansi</b>  <b>5</b>  -Mavumbelo ya nhlokohaka i ya xiyimo xa le henhla swinene -Vuxokoxoko lebyi hlawulekeke -Swivulwa na tindzimana swi vumbiwile hi ndlela ya xiyimo xa le henhla swinene	<b>4</b>  -Vuxokoxoko byi vumbiwile hi ndlela yo twisiseka -Ku na nkhulukelano -Swivulwa na tindzimana swi vumbiwile hi ndlela leyinene -Xitsalwana xi sala xa ha twisiseka	<b>3</b>  -Ku vumbiwile vuxokoxoko lebyi faneleke -Swivulwa na tindzimana swi na swihoxo -Xitsalwana xa ha twisiseka hambileswi xi nga na swihoxo	<b>2</b>  -Ku na timhakankulunyana leti faneleke -Swivulwa na tindzimana swi na swihoxo -Xitsalwana a xi twisiseki	<b>0–1</b>  -Ku pfumaleka ka timhakankulu leti lavekaka -Swivulwa na tindzimana swi na swihoxo -Xitsalwana a xi twisiseki
<b>XIVUMBEKO</b>  Swihlawulekiso swa xitshuriwa Mavumbelo ya tindzimana na swivulwa	<b>5</b>  -Mavumbelo ya nhlokohaka i ya xiyimo xa le henhla swinene -Vuxokoxoko lebyi hlawulekeke -Swivulwa na tindzimana swi vumbiwile hi ndlela ya xiyimo xa le henhla swinene	<b>4</b>  -Vuxokoxoko byi vumbiwile hi ndlela yo twisiseka -Ku na nkhulukelano -Swivulwa na tindzimana swi vumbiwile hi ndlela leyinene -Xitsalwana xi sala xa ha twisiseka	<b>3</b>  -Ku vumbiwile vuxokoxoko lebyi faneleke -Swivulwa na tindzimana swi na swihoxo -Xitsalwana xa ha twisiseka hambileswi xi nga na swihoxo	<b>2</b>  -Ku na timhakankulunyana leti faneleke -Swivulwa na tindzimana swi na swihoxo -Xitsalwana a xi twisiseki	<b>0–1</b>  -Ku pfumaleka ka timhakankulu leti lavekaka -Swivulwa na tindzimana swi na swihoxo -Xitsalwana a xi twisiseki
<b>TIMARAKA TA 5</b>					

**RHUBIRIKI YA MAAVELO YA TIMARAKA EKA MAKOREKETELO YA XITSALWAMBIKO XO LEHA EKA RIRIMI RO ENGETELA RO SUNGULA [TIMARAKA TA 30]**

Swiyenge	Vuswikoti byo hlawuleka	Vuswikoti bya le henhla	Vuswikoti byo amukeleka	Vuswikoti bya madyondza	Vuswikoti byo ka byi nga fikelelangi
<b>VUNDZENI, MAKUNGUHATELO &amp; XIVUMBEKO</b>  Mahlamulelo na miehleketo Maveketelero ya miehleketo eka makunguhatelo Xikongomelo, vaamukeri va hungu, swihlawulekiso/milawu ya matirhiselo ya ririmi na mbangu  <b>TIMARAKA TA 18</b>	<b>15–18</b>  -Mahlamulelo yo hlawuleka na ku hundzisa leswi a swi languteriwile -Miehleketo ya vutlhari na ku vupfa -Vutivi byo enta bya swihlawulekiso swa muxaka wa xitshuriwa -Matsalelo ya kongoma mhaka -Vundzeni na miehleketo swi na nkhulukelano -Nhlamuselo ya vuenti swinene naswona vuxokoxoko hinkwabyo byi seketela nhlokohmaka -Xivumbeko lexi faneleke no va na nkhaqato	<b>11–14</b>  -Mahlamulelo lamanene lama kombisaka vutivi lebyinene bya swihlawulekiso swa muxaka wa xitshuriwa -Ku na ku kongoma mhaka, a ku na ku huma emhakeni -Vundzeni na miehleketo swi na nkhulukelano, nhlamuselo ya vuenti naswona vuxokoxoko byi seketela nhlokohmaka -Xivumbeko lexi faneleke kambe xi ri na swihoxo switsongo swinene	<b>8–10</b>  -Mahlamulelo yo ringanelo lama kombisaka vutivi bya swihlawulekiso swa muxaka wa xitshuriwa -Mhaka a yi kongomiwi hi ku hetiseka -Ku na ku humanyana emhakeni -Vundzeni na miehleketo swi na nkhulukelano lowu amukelekaka -Ku na vuxokoxoko byin'wana lebyi seketelaka nhlokohmaka -Xivumbeko lexi faneleke hi ku angarhela kambe xi ri na swihoxo switsongo	<b>5–7</b>  -Mahlamulelo ya madyondza lama kombisaka vutivinyana bya swihlawulekiso swa muxaka wa xitshuriwa -Ku na ku kongomanyana kambe ku na ku pfa ku humawa emhakeni -A hi minkarhi hinkwayo vundzeni na miehleketo swi khulukelanaka -Ku na vuxokoxoko byitsongo lebyi seketelaka nhlokohmaka -Milawu ya xivumbeko yi tirhisiwe hi ndlela yo ka yi nga twisiseki -Ku na swihoxo swo tala	<b>0–4</b>  -Mahlamulelo a ya kombisi vutivi bya swihlawulekiso swa muxaka wa xitshuriwa -Nhlamuselo a yi le rivaleni naswona yi humile swinene emhakeni -Vundzeni na miehleketo swi hava nkhulukelano -Ku na vuxokoxoko byitsongo swinene lebyi seketelaka nhlokohmaka -A ku tirhisiwangi milawu ya xivumbeko leyi faneleke
<b>RIRIMI, XITAYILI &amp; VUHLERI</b>  Thoni, rhejisitara, xitayili, xikongomelo/nkucetelo, vaamukeri va hungu na mbangu Matirhiselo ya ririmi na milawu ya matirhiselo ya ririmi Mahlawulelo ya marito Mahikahatelo na mapeletelo  <b>TIMARAKA TA 12</b>	<b>10–12</b>  -Thoni, rhejisitara, xitayili na ntivomarito swi fambelana swinene na xikongomelo, vaamukeri va hungu na mbangu -Ku na nkhaqato wa ntivoririm i naswona wu vumbiwile hi mfanelo -Swihoxo a swi kona	<b>8–9</b>  -Thoni, rhejisitara, xitayili na ntivomarito swi fambelana swinene na xikongomelo, vaamukeri va hungu na mbangu -Hi ku angarhela ku na nkhaqato wa ntivoririm i naswona wu vumbiwile hi mfanelo -Ntivomarito wa kahle swinene -A ku tali ku va na swihoxo	<b>6–7</b>  -Thoni, rhejisitara, xitayili na ntivomarito swi fambelana na xikongomelo, vaamukeri va hungu na mbangu -Ku na swihoxonyana swa ririmi -Ku na ntivomarito wo ringanelo -Swihoxo a swi onhi nhlamuselo	<b>4–5</b>  -Thoni, rhejisitara, xitayili na ntivomarito swo fambelananyana na xikongomelo, vaamukeri va hungu na mbangu -Ntivoririm i wo pfumala nkhaqato wu tlhela wu va na swihoxo swo hlayanyana -Ntivomarito wa mpimo wa le hansi -Nhlamuselo a yi le rivaleni	<b>0–3</b>  -Thoni, rhejisitara, xitayili na ntivomarito a swi fambelani na xikongomelo, vaamukeri va hungu na mbangu -Swihoxo swi tele naswona ku na ku hlanganahlangana ka timhaka -Ntivomarito a wu fambelani na xikongomelo -Nhlamuselo a yi twali nakatsongo
<b>MAAVELO YA TIMARAKA</b>	<b>25–30</b>	<b>19–23</b>	<b>14–17</b>	<b>9–12</b>	<b>0–7</b>

**RHUBIRIKI YA MAAVELO YA TIMARAKA EKA MAKOREKETELO YA XITSALWAMBIKO XO KOMA EKA RIRIMI RO ENGETELA RO SUNGULA [TIMARAKA TA 20]**

Swiyenge	Vuswikoti byo hlawuleka	Vuswikoti bya le henhla	Vuswikoti byo amukeleka	Vuswikoti bya madyondza	Vuswikoti byo ka byi nga fikelelangi
<b>VUNDZENI, MAKUNGUHATELO &amp; XIVUMBEKO</b>  Mahlamulelo na miehleketo Maveketelero ya miehleketo eka makunguhatelero Swihlawulekiso/Milawu ya matirhiselo ya ririmiro na mbangu  <b>TIMARAKA TA 12</b>	<b>10–12</b>  -Mahlamulelo yo hlawuleka na ku hundzisa leswi a swi languterivile -Miehleketo ya vutlhari na ku vupfa -Vutivi byo enta bya swihlawulekiso swa muxaka wa xitshuriwa -Matsalelo ya kongoma mhaka -Vundzeni na miehleketo swi na nkhulukelano -Nhlamuselo ya vuenti swinene naswona vuxokoxoko hinkwabyo byi seketela nhlokohmaka -Xivumbeko lexi faneleke kambe xi ri na swihoxo switsongo swinene	<b>8–9</b>  -Mahlamulelo lamanene lama kombisaka vutivi lebyinene bya swihlawulekiso swa muxaka wa xitshuriwa -Ku na ku kongoma mhaka, a ku na ku huma emhakeni -Vundzeni na miehleketo swi na nkhulukelano, nhlamuselo ya vuenti naswona vuxokoxoko byi seketela nhlokohmaka -Xivumbeko lexi faneleke kambe xi ri na swihoxo switsongo swinene	<b>6–7</b>  -Mahlamulelo yo ringanelo lama kombisaka vutivi bya swihlawulekiso swa muxaka wa xitshuriwa -Mhaka a yi kongomiwi hi ku hetiseka -Ku na ku humanyana emhakeni -Vundzeni na miehleketo swi na nkhulukelano lowu amukelekaka -Ku na vuxokoxoko byin'wana lebyi seketelaka nhlokohmaka -Xivumbeko lexi fanelake hi ku angarhela kambe xi ri na swihoxo switsongo	<b>4–5</b>  -Mahlamulelo ya madyondza lama kombisaka vutivinyana bya swihlawulekiso swa muxaka wa xitshuriwa -Ku na ku kongomanyana kambe ku pfa ku humiwayana emhakeni -A hi minkarhi hinkwayo vundzeni na miehleketo swi khulukelanaka -Ku na vuxokoxoko byitsongo lebyi seketelaka nhlokohmaka -Milawu ya xivumbeko yi tirhisiwe hi ndlela yo ka yi nga twisiseki -Ku na swihoxo swo tala	<b>0–3</b>  -Mahlamulelo a ya kombisi vutivi bya swihlawulekiso swa muxaka wa xitshuriwa -Nhlamuselo a yi le rivaleni naswona yi humile swinene emhakeni -Vundzeni na miehleketo swi hava nkhulukelano -Ku na vuxokoxoko byitsongo swinene lebyi seketelaka nhlokohmaka -A ku tirhisiwangi milawu ya xivumbeko leyi faneleke
<b>RIRIMI, XITAYILI &amp; VUHLERI</b>  Thoni, rhejisitara, xitayili, ntivomarito wu fanele xikongomelo na mbangu Matirhiselo ya ririmiro na milawu ya matirhiselo ya ririmiro Mahlawulelo ya marito Mahikahatelo na mapeletelo  <b>TIMARAKA TA 8</b>	<b>7–8</b>  -Thoni, rhejisitara, xitayili na ntivomarito swi fambelana swinene na xikongomelo, vaamukeri va hungu na mbangu -Ku na nkhaqato wa ntivoririmi naswona wu vumbiwile hi mfanelo -Swihoxo a swi kona	<b>5–6</b>  -Thoni, rhejisitara, xitayili na ntivomarito swi fambelana swinene na xikongomelo, vaamukeri va hungu na mbangu -Hi ku angarhela ku na nkhaqato wa ntivoririmi naswona wu vumbiwile hi mfanelo -Ntivomarito wa kahle swinene -A ku tali ku va na swihoxo	<b>4</b>  -Thoni, rhejisitara, xitayili na ntivomarito swi fambelana na xikongomelo, vaamukeri va hungu na mbangu -Ku na swihoxonyana swa ririmiro -Ku na ntivomarito wo ringanelo -Swihoxo a swi onhi nhlamuselo	<b>3</b>  -Thoni, rhejisitara, xitayili na ntivomarito swo fambelananyana na xikongomelo, vaamukeri va hungu na mbangu -Ntivoririmi wo pfumala nkhaqato wu tlhela wu va na swihoxo swo hlawayana -Ntivomarito wa mpimo wa le hansi -Nhlamuselo a yi le rivaleni	<b>0–2</b>  -Thoni, rhejisitara, xitayili na ntivomarito a swi fambelani na xikongomelo, vaamukeri va hungu na mbangu -Swihoxo swi tele naswona ku na ku hlanganahlangana ka timhaka -Ntivomarito a wu fambelani na xikongomelo -Nhlamuselo a yi twali nakatsongo
<b>MAAVELO YA TIMARAKA</b>	<b>17–20</b>	<b>13–15</b>	<b>10–11</b>	<b>7–8</b>	<b>0–5</b>

**MAAVELO YA TIMARAKA**

<b>XIYENGE XA A: <u>XITSALWANA:</u> TIMARAKA TA</b>	<b>50</b>
<b>VUNDZENI NA MAKUNGUHATELO</b>	<b>(VM): 30</b>
<b>RIRIMI, XITAYILI NA VUHLERI</b>	<b>(RXV): 15</b>
<b>XIVUMBEKO</b>	<b>(X): 05</b>
<b>NTSENGO</b>	<b><u>50</u></b>
<b>XIYENGE XA B: <u>XITSALWAMBIKO XO LEHA:</u> TIMARAKA TA</b>	<b>30</b>
<b>VUNDZENI, MAKUNGUHATELO NA XIVUMBEKO</b>	<b>(VMX): 18</b>
<b>RIRIMI, XITAYILI NA VUHLERI</b>	<b>(RXV): 12</b>
<b>NTSENGO</b>	<b><u>30</u></b>
<b>XIYENGE XA C: <u>XITSALWAMBIKO XO KOMA:</u> TIMARAKA TA</b>	<b>20</b>
<b>VUNDZENI, MAKUNGUHATELO NA XIVUMBEKO</b>	<b>(VMX): 12</b>
<b>RIRIMI, XITAYILI NA VUHLERI</b>	<b>(RXV): 08</b>
<b>NTSENGO</b>	<b><u>20</u></b>

**MIMFUNGHO YA MAKOREKETELO**

<b>MFUNGHO</b>	<b>NHLAMUSELO</b>
–	Nkhwati /ntila ehansi ka xihoxo xin'wana na xin'wana.
II	Etlhelo ra xinene eka swivulwa leswi nga twisisekiki.
=	Etlhelo ra xinene loko mukamberiwa a nga avangi xitshuriwa xa yena hi tindzimana.
m	Ku kombisa mbuyelelo wa timhaka kumbe marito.
↓	A nga fikangi emakumu ka pheji.
↑	A a fanele a sungurile ehenhla ka mintila leyi a nga yi tlula.
←	A a fanele a sungurile eku sunguleni ka ntila eximatsini.
→	A nga fikangi emakumu ka ntila eka tlhelo ra xinene.
/	Loko a hlanganisile marito.
[]	Loko a hambanisile marito.

**SWILETELO SWA MAKOREKETELO****XIYENGE XA A: XITSALWANA****XIVUTISO XA 1****VAKAMBERIWA VA NGA TSALA SWIN'WANA SWA LESWI LANDZELAKA:**

1.1 Khisimusi ra lembe leri nga hundza.

Xitsalwana xa muxaka lowu i xa ndzungulo.

Mukamberiwa u languteriwa ku rungula hi siku ra Khisimusi ra lembe leri nga hundza.

Mukamberiwa a nga ha katsa na leswi landzelaka:

- Leswi Khisimusi ri vulaka swona eka yena.
- Ndhawu/tindhawu leti a ri eka tonna eka siku leri.
- Lava a ri na vona.
- Maambalelo ya siku lero.
- Swakudya na swo nwa swa Khisimusi.
- Tinsimu leti a ti yimbeleriwa/ti chayiwa eka siku leri.
- Mingingiriko yin'wana ya siku.
- Leswi siku leri ri nga herisa xiswona.

(Amukela na tin'wana tinhlamulo leti fambelanaka na nhlokohaka)

**[50]**

1.2 Matirhelo ya swipanu swa rixaka swa tiko ra Afrika-Dzonga.

Xitsalwana xa muxaka lowu i xa nhlamuselo.

Mukamberiwa u languteriwa ku hlamusela swo karhi hi swipano swa tiko ra Afrika-Dzonga.

Mukamberiwa a nga ha katsa na leswi landzelaka:

- Nhlamuselo ya nhlokohaka.
- Swipanu swo hambanahambana swa mintlangu etikweni.
- Mavito lawa swi tivekaka hi wona.
- Vatlangi lava hlawuriwaka.
- Matlangelo ya swipanu leswi eka mimphikizano.
- Swiambalo swa swona.
- Xiave lexi mfumo wu xi tekaka eka swipanu leswi.
- Vaseketeri va swipanu leswi.
- Switsundzuxo leswi a nga swi nyikaka.

(Amukela na tin'wana tinhlamulo leti fambelanaka na nhlokohaka.)

**[50]**

1.3 Loko a ndzo va nhloko ya xikolo xa hina.

Xitsalwana xa muxaka lowu i xa mianakanyo.

Mukamberiwa u languteriwa ku kombisa leswi a ta swi endla loko a a ri nhloko ya xikolo.

Mukamberiwa a nga ha katsa na leswi landzelaka:

- Vito ra xikolo na ndhawu leyi xikolo xi kumekaka eka yona.
- Swivangelo swo navela ku va nhloko ya xikolo.
- Ku antswisa loku a nga ta ku endla eka swiyenge swo hambanahambana swa xikolo.
- Matirhelo ya vadyondzisi.
- Ku antswisa swa mintlangu.
- Vuxaka bya yena na vatswari va vadyondzi.
- Swilo swintshwa leswi a nga ta swi sungula exikolweni.

(Amukela na tin'wana tinhlamulo leti fambelanaka na nhlokombaka.)

[50]

1.4 Vukorhokeri bya masipala byi vuyerisa vaakatiko. Pfumela kumbe u kaneta.

Xitsalwana xa muxaka lowu i xa mavonelo.

Mukamberiwa u languteriwa ku kombisa ku pfumela kumbe ku kaneta hi ku vuyerisa ka vukorhokeri bya masipala eka vaakatiko.

Mukamberiwa a nga ha katsa na leswi landzelaka:

### **Ku pfumela**

- Nhlamuselo ya nhlokombaka.
- Mphakelo wa mati na gezi.
- Ku antswisa mapatu.
- Ku phalala loko vaakatiko va weriwile hi khombo.
- Ku hluvukisa ndhawu.
- Ku nyika mintirho eka vaakatiko.
- Ku pfuna vadyondzi hi tibasari.

### **Ku kaneta**

- Nhlamuselo ya nhlokombaka.
- Ku tirha hi ndlela ya vukungudzwana.
- Ku nyikana mintirho hi vuxaka.
- Ku tsandzeka eka mphakelo wa mati na gezi.
- Vukorhokeri bya xiyimo xa le hansi eka timhaka ta nkululo.
- Ku tsandzeka ku lunghisa mapatu.
- Ku pfumala vutivi bya mafambiselo ya masipala.
- Ku pfumala vutihlamuleri.

(Amukela na tin'wana tinhlamulo leti fambelanaka na nhlokombaka.)

[50]

1.5 Ku va vaakatiko va titekela nawu va wu veka emavokweni ya vona a swi amukeleki. Kanelo mhaka leyi.

Xitsalwana xa muxaka lowu i xa nkanelo.

Mukamberiwa u languteriwa ku nyika miehleketo ya yena ehenhla ka mhaka ya ku va vaakatiko va titekela nawu va wu veka emavokweni ya vona.

Mukamberiwa a nga ha katsa na leswi landzelaka:

- Nhlamuselo ya ku titekela nawu u wu veka emavokweni.
- Leswi nawu wu vulaka swona loko vanhu va teka nawu va wu veka emavokweni ya vona.
- Vanhu lava va khumbekaka.
- Minsusumeto leyi endlaka leswaku vanhu va teka nawu va wu veka emavokweni ya vona.
- Swilo leswi onhakaka loko vanhu va teka nawu va wu veka emavokweni ya vona.
- Mapfhumba ya ku lemukisa vaakatiko hi magoza ya ku landzelela nawu.
- Switandzhaku swa loko vanhu va teka nawu va wu veka emavokweni ya vona.

(Amukela na tin'wana tinhlamulo leti fambelanaka na nhlokohaka.)

**[50]**

1.6 1.6.1 Mukamberiwa u ta tsala hi leswi a xi vonisaka xiswona xifaniso.

Mukamberiwa a nga ha rungula/hlamusela/nyika vonelo/kanelo/nyika mianakanyo ya yena.

Mukamberiwa u ta nyika nhlokohaka leyi faneleke. Xik.: Nkoka wa Mpfula.

A nga ha katsa na leswi landzelaka eka xitsalwana xa yena:

- Nguva ya mpfula.
- Tindhawu leti rhandziwaka hi mpfula.
- Tinxaka ta mpfula.
- Ku pfuna ka mpfula eka timhaka ta vurimi.
- Ku pfuna vaakatiko hi mati.
- Ku vuyeriwa ka swiharhi loko mpfula yi na.
- Ku onha ka mpfula loko yi nile hi matimba.

(Amukela na tin'wana tinhlamulo leti fambelanaka na xifaniso.)

**[50]**

1.6.2 Mukamberiwa u ta tsala hi leswi a xi vonisaka xiswona xifaniso.  
Mukamberiwa a nga ha rungula/hlamusela/nyika vonelo/kanel/a/nyika mianakanyo ya yena.

Mukamberiwa u ta nyika nhlokomhaka leyi faneleke. Xik.: Ku pfuna ka mbyana.

Mukamberiwa a nga ha katsa na leswi landzelaka eka xitsalwana xa yena:

- Tinxaka ta timbyana na mavito ya tona.
- Mahlayselo ya yona.
- Ku pfuna ka yona ku rindza muti.
- Ku pfuna ka yona eka ta xiphorisa.
- Ku pfuna ka mbyana eka timhaka ta ku hlota.
- Ku pfuna ka yona ku letela lava nga voniki.
- Ku va mbyana yi ri munghana wo tshembeka.

(Amukela na tin'wana tinhlamulo leti fambelanaka na xifaniso.)

[50]

1.6.3 Mukamberiwa u ta tsala hi leswi a xi vonisaka xiswona xifaniso.

Mukamberiwa a nga ha rungula/hlamusela/nyika vonelo/kanel/a/nyika mianakanyo ya yena.

Mukamberiwa u ta nyika nhlokomhaka leyi faneleke. Xik.: Swiluva.

Mukamberiwa a nga ha katsa na leswi landzelaka eka xitsalwana xa yena:

- Leswi swiluva swi vulaka swona eka vanhu.
- Tinxaka ta swiluva.
- Mihlovo ya swiluva.
- Vuyimeri lebyi fambaka na swiluva.
- Lomu swiluva swi tirhisiwaka kona.
  - Ntirho wa swona eminkhubyen.
  - Ntirho wa swona eminkosini.
  - Ntirho wa swona eka timhaka to sasekisa emakaya.
  - Ntirho wa swona eka timhaka ta rirhandzu.
- Ku va vanhu va swi byala va swi xavisa.

(Amukela na tin'wana tinhlamulo leti fambelanaka na xifaniso.)

[50]

**NTSENGO WA XIYENGE XA A: 50**

**XIYENGE XA B: XITSHURIWA XA XITSALWAMBIKO XO LEHA****XIVUTISO XA 2****XIVUMBEKO XI FANELE XI KOMBISA LESWI LANDZELAKA:****2.1 Papila ra mafundza**

Mukamberiwa u languteriwa ku tsalela va khamphani ya Kumavutivi papila ra xikombelo xa basari yo humelerisa tidyondzo ta le yunivhesithi.

Papila leri ri na xivumbeko lexi landzelaka:

- Tiadirese timbirhi.
- Adirese ya mutsari yi le ka tlhelo ra xinene ehenhla. Siku ri tsariwa ehansi ka adirese ya mutsari naswona ku tsariwa siku hi ku tirhisa nomboro, ku landzela n'hweti leyi tsariwaka hi marito, ku hetelela lembe hi ku tirhisa tinomboro.
- Xiyimo xa muamukeri xi landzeriwa hi adirese ya muamukeri leyi tsariwaka eximatsini.
- Endzhaku ka ku tsala adirese ya muamukeri ku landzela xiloso.
- Endzhaku ka xiloso ku landzela nhlokomhaka.
- Xikombelo xa basari.
- Nsariso.

[30]

**2.2 Matimu ya mufi**

Mukamberiwa u languteriwa ku tsala matimu ya munhu wa ndhuma loyi a loveke endhawini ya ka vona.

Mukamberiwa a nga ha katsa na leswi landzelaka:

- Mavito ya mufi hi xitalo.
- Siku ra ku velekiwa na ndhawu.
- Mavito ya vatswari va mufi.
- Leswaku a ri n'wana wa vungani.
- Leswinene leswi a swi endleke loko a ha hanya.
- Leswi koxeke rifu rakwe.
- Siku leri a hundzeke hi rona emisaveni.
- Lava a va siyeke.
- Ku n'wi phata.

[30]

**2.3 Atikili ya phephahungu**

Mukamberiwa u languteriwa ku tsala atikili ya phephahungu a lemukisa vanhu hi vuvabyi lebyintswa byo tlulela lebyi nga kona.

Atikili yi nga katsa leswi landzelaka:

- 2.3 • Nhlokomhaka  
 • Vito ra mutsari.  
 • Leswi vangaka vuvabyi lebyi.  
 • Leswi vuvabyi lebyi byi tikombaka hi swona emirini.  
 • Leswi byi nga siverisiwaka xiswona.  
 • Matshungulelo ya xihatla lawa ma nga landzeleriwaka loko munhu a ha yimerile ku tshunguriwa.  
 • Tindhawu ta rihanyu laha vanhu va nga yaka eka tonu ku ya kamberiwa. [30]

2.4 **Inthavhiyu**

Mukamberiwa u languteriwa ku tsala inthavhiyu exikarhi ka n'wini wa mathekisi na munhu loyi a lavaka ntirho wo chayela thekisi.

Mukamberiwa a nga ha katsa na leswi landzelaka:

- Ndhawu, siku na nkarhi endzeni ka swiangi.
- Swiendlo hinkwaswo swi fanele ku va endzeni ka swiangi.
- Mavito ya swimunhuhatwa lawa ya landzeriwaka hi hikombirhi.
- Swivutiso hi n'wini wa mathekisi na tinhlamulo hi munhu loyi a lavaka ntirho wo chayela thekisi.
- Ku pfala inthavhiyu. [30]

**NTSENGO WA XIYENGE XA B:** 30

**XIYENGE XA C: XITSHURIWA XA XITSALWAMBIKO XO KOMA****XIVUTISO XA 3****XIVUMBEKO XI FANELE XI KOMBISA LESWI LANDZELAKA:****3.1 Phositara**

Mukamberiwa u languteriwa ku tsala phositara a navetisa fesitivhali leyi nga ta va kona endhawini ya ka vona.

Mukamberiwa u languteriwa ku tsala leswi landzelaka:

- Ndhawu, nkarhi na siku.
- Swiyimbeleri swa siku.
- Ntsengo.
- Swiletelo.
- Swixavisiwa.
- Lomu mathikithi ya kumekaka kona.

[20]

**3.2 Dayari**

Mukamberiwa u languteriwa ku tsala dayari ya masiku manharhu ya leswi a nga ta swi endla hi vhiki ra Paseka.

Mukamberiwa u languteriwa ku tsala dayari hi ndlela leyi landzelaka:

- Timhaka ta siku na siku leti kongomisiweke eka mgingiriko leyi a nga ta yi endla hi minkarhi yo hambanahambana.
- Ku kombisa siku, nkarhi na lembe.
- Ndhawu/tindhawu laha mgingiriko yi nga ta va yi humelela kona.

[20]

**3.3 Swileriso**

Mukamberiwa u languteriwa ku tsala swileriso leswi faneleke ku landzeleriwa hi vadyondzi eka ntirho wa ku nyika masagwadi ya vadyondzi lava paseleke ehenhla exikolweni xa vona.

Mukamberiwa a nga katsa swin'wana swa leswi landzelaka:

- Tindhawu lomu swileriso leswi swi faneleke ku landzeleriwa kona.
- Lomu vadyondzi va faneleke ku tshama kona.
- Ndlela leyi vayeni va nga ta amukeriwa hi yona.
- Leswi vadyondzi va nga ta fambisa xiswona ku suka lomu va nga tshama kona ku ya amukela masagwadi.
- Leswi va faneleke ku swi endla endzhaku ka ku amukela masagwadi ya vona.
- Leswi faneke ku endliwa hi vadyondzi endzhaku ka ku pfala ntirho wa masagwadi.

[20]

**NTSENGO WA XIYENGE XA C:**  
**NTSENGO WA TIMARAKA:**

20

100